



Qallunaat oqaasiinut taarsiullugit Tuluit oqaasiisa pingaarnert aappaattut Nunatsinni meeqqat atuarfianni atuartitsissutigineqartalernissaat pillugu apeqquteqaat aallaavigalugu Inatsisartut oqallinnissaannik siunnersuut.
(Inatsisartunut ilaasortaq Vivian Motzfeldt, Siumut)

Inuit Ataqatigiit Vivian Motzfeldt qutsavigiumavarput oqallisissiaanut soqutigintumut.

Inuit Ataqatigiit isumaqarpugut Nunatsinni oqaatsigut pingaarnarpaajusut, taamaammallu oqaatsitsinnik ilikkarluarnissaq meeraaqqaniit meeqqat atuarfianut, iliniarfinuut allallu pisortat suliffeqarfigisaannut ilikkarluarneqarnissaasa piumasarinissaat pingaaruteqartoq. Ilikkarluarneqarlutulu atorluarneqarlualutik ineriartortinnissaat qulakkeerniartuartariaqaripput oqaatigiumavarput.

Taamaammattorli avaqqussinnaanngilarput kalaallisut oqaatsitta saniatigut allamiut oqaasiinik sapinngisaqarnissaq pingaartikkatsigu. Inuiaqatigiulluta pisariaqartipparpugut nunarsuarmioqatitsinnut attaveqassalluta. Attaveqartariaqarpugut ilinniartitaanikkut, niuernikkut nunarsuarmioqataanikkullu peqataasinnaajumalluta. Tamannalu pingaaruteqarlunnarpoq meerartatsinnut, inuusuttatsinnullu oqaatigissallugu: oqaatsivut pingaartikkikkut, pingaartigutaaq allamiut oqaasiinik ilikkarnissat!

Maannakkut oqaatsitta saniatigut allamiut oqaasiinik ilikkagassatta pingaarnersarivaat danskit oqaasii. Aappaattut inissisimapput tuluit oqaasii.

Naalagaaffeqatigiinnitsinni Danmarkimut attaveqaatit pituttuisutut ittut arlaqarpugut, taakkulu danskisut oqalussinnaanerpugut iluaqutigalugu periarfissarivagut. Danskit oqaasii atorlugit Danmarkimut niuernikkut, naalakkersuinnikkut ilinniartitaanikkullu atorlugit attaveqartarpugut. Danmarkiliartariaqartarpugut, ilinniariarluta, napparsimaviliarluta, niuerluta imaluunniit allatut. Inuusuttortatta danskit oqaasii atorlugit Danmarkimi ilinniarsinnaanerit aqqutissiuunneqartarpoq. Danskit oqaasii atorlugit nunani avannarlerni ilinniartortagut akeqanngimik ilinniarsinnaapput. Nunatsinni ilinniartariaqartarpoq, periarfissarlu tamanna qujarunnaqaaq iluatinnarlunilu. Taamaammallu danskit oqaasii pitsaasumik atorsinnaallugit pitsaaquterpassuaqarpoq.

Oqallisissarineqartumut tuluit oqaasiisa meeqqat atuarfianni pingaarnert aappaattut atuartitsissutigineqartalernissaannut tunngasumut soqutigintumut ima oqaasissaqarpugut.

Tuluit oqaasii nunarsuarmi oqaatsit atorneqarnerit pingajuaniippugut. Kinamiit mandariinisut 1 mia-nit oqaaserineqartut, spaniamiut oqaasii anginerit aapparaat, taakku 500mio oqaaserineqarlutik. Kiisalu tuluit oqaasii oqaatsini atorneqarnerpaat pingajorivaat.

Tuluit oqaasiisa pingaarnert aappaattut Nunatsinni meeqqat atuarfianni atuartitsissutigineqartalernissaat soqutigintuuvoq pilerinarsinnaallunilu.

Pilerinarsinnaavoq meerartatta danskisut pingaarnertut ilinniנגikkaluarlugu tuluttut ilikkarnerusinnaanerat. Tutluttut oqalulluni nunarsuarmi sumiluunniit paasineqarsinnaapput attaveqarlutillu. Maannakkut meerartatta filminik, internetsikkut atuermikkut, aammalu spilermikkut tuluit oqaasii tusaasorujussuaat. Taamaammat isumaqarnarpoq tuluit oqaasiinik ilikkarsinnaanissat piurnarnerussaq. Tuluttut oqalulluni nunat assigiinngitsut ilinniariarfissat periarfissaqarnerupput. Tuluttut oqalulluta saniligut Island, Canada USA-lu attaviginerusinnaavagut. Taamaammat periarfissaq iluatinnaateqarsinnaavoq.

Tuluit oqaasiisa pingaarnertit aappaattut Nunatsinni meeqqat atuarfianni atuartsissutigineqartalernissaat nangaanartoqarsinnaavoq makku patsisigalugit. Naggueqatitta tuluttut oqaluffiusut oqaatsitik annaangajalluinnarpaat tuluit oqaasiisa ingiaasinnaanerunerat annertoqimmat. Nunatsinni oqaatsinnik illersuineq annertunerujussuusariaqalissaaq qulakkiissagutsigu meerartataat tuluttuinaq oqalulinnginnissaat. Maannakkumut oqaatsivut atorlugit ineriartortitsineq amigarinartarmat, taamaammat ernumanartuuvoq Tuluit oqaasiisa pingaarnertit aappaattut Nunatsinni meeqqat atuarfianni atuartsissutigineqartalernissaat, oqaatsinnik ingiaanerusinnaammata.

Naggueqatigut namminneq oqaatsimik saniatigut tuluttut oqaluttut akornanni ilniarsimaneq qaffasinnerunngilaq. Tassa tuluttut oqaluttuugaluarlutik ilinniagaqassutsiminnut iluaqutigisimangilaat. Tamannalu takussutissat atorsinnaavarput tuluttut oqalunnerup ilinniagaqassusermik qaffatsitsisuunngissinnaaneranik.

Taamaammat inuit ataqatigiit isumaqarpugut Tuluit oqaasiisa pingaarnertit aappaattut Nunatsinni meeqqat atuarfianni atuartsissutigineqartalernissaat kisiat pinnagu danskit oqaasiisa tuluillu oqaassisa naligiimmik ilikkarnissaat pingaartissagipput. Oqaatsigut pingaarnarpaapput, taakkulu saniatigut danskit oqaasii tuluillu oqaasii pingaartippagut meerartatta ilikkagassaat.

Inuit Ataqatigiinni pingaartutut isigaarput oqaatsitta pingaarnertut aappaat allanngorneqassappat piffissami sivirusi pilersaarusioneqartariaqarnera. Atuakkat, atuartsitseriaatsit, tuluttoorsitsisinnaasut ilinniartitsisut allarpassuillu pilersaarusiugassaammata.

Tuluit danskillu oqaasiisa pingaarnertit aappaattut Nunatsinni meeqqat atuarfianni atuartsissutigineqartalernissaat Inuit Ataqatigiit pingaartippaput. Taamaammat taasissutissamik ima allannguutilimmik siunnersuuteqarpugut.

Inatsisartut Naalakkersuisunut kaammattuutigaat meeqqat atuarfiat pillugu iluarsartuusseqqinneq aallarteqqullugu, taamaaliornikkut tamakkiisumik atuarfitsialaap piviusunngortinnissaa anguneqarsinnaaqullugu aammalu danskit oqaasii tuluillu oqaasiisa naligiimmik oqaatsit aappaattut Nunatsinni meeqqat atuarfianni atuartsissutigineqartalernissaat piviusunngortinniarlugu sulineq aallarteqqullugu.